

SCRIPTA

Numéro Scripta : 5177

Auteur(s) : Lucius III [pape]

Bénéficiaire(s) : Mézidon-Canon, Sainte-Barbe-en-Auge (prieuré)

Genre d'acte : bulle

Authenticité : non suspect

Datation : 1184, 17 janvier

Lieu d'émission : Anagni

Action juridique : confirmation

Langue du texte : latin

Analyse

Le pape Lucius [III] confirme l'accord conclu entre le prieuré Sainte-Barbe et l'abbaye Saint-Évroult sur l'ermitage de « Rupe ».

Tableau de la tradition

Éditions principales

a. Ramackers Johannes, *Papsturkunden in Frankreich*, Neue Folge 2 Normandie, Göttingen, Vandenhoeck & Ruprecht (Abhandlungen der Gesellschaft der Wissenschaften zu Göttingen. Philologisch-historische Klasse, 21), 1937, 2 vol., n° 234, p. 330.

Indications

Jaffé Philippe, Wattenbach Wilhelm, *Regesta pontificum Romanorum ab condita ecclesia ad annum post Christum natum MCXCVIII* 2eéd., Leipzig, Veit, 1885-1888, 2 vol., n° 14973, t. 2, p. 461.

Dissertation critique

Datation proposée par J. Ramackers.

Texte établi d'après a

LVCIVS episcopus seruus seruorum Dei. Dilectis filiis .. priori et canonicis sancte Barbare salutem et apostolicam benedictionem.

Ne controuersie, que de apostolico mandato concordia uel iuditio finiuntur, aliquorum malitia iterum in contentionis scrupulum deducantur, litterarum debent memorie commendari. Ex hoc siquidem fuit, quod, cum inter uos et dilectos filios nostros abbatem et monachos sancti Ebulfi super heremitorio de Rupe diutius fuisset questio agitata, per dilectos filios nostros Hug. et Ric. archidiaconos Lexouienses, quibus negotium ipsum fuerat de mandato apostolico delegatum, tali fuit compositione sopita, quod uos omni iuri, quod uobis in eodem heremitorio competere dicebatis, renuntiastis omnino et instrumenta, que super hoc habebatis, manibus iudicum resignastis, sic tamen quod ipsi unum modium bladii in octauis sancti Michaelis in grangia sua apud Noerium ad legitimam illius uille mensuram uobis singulis annis exoluant, ita quod illius modii quatuor erunt sextaria frumenti, totidem ordei et totidem auene. Cuius bladi singule speties communis uenditionis pretio debeant estimari. Si uero possessio, quam habent apud Noerium, ad alios aliquo casu peruenerit, memoratam annonam secundum modum superius annotatum in alio competenti loco uobis sine difficultate qualibet assignabunt. Hanc igitur compositionem, sicut

inter uos sine prauitate facta est et ab utraque parte recepta et in scripto predictorum iudicum continetur, auctoritate apostolica confirmamus et presentis scripti patrocinio communitus. Statuentes, ut nulli etc. Si quis autem etc. Dat. Anagn. XVI kal. febr.